

庶物類纂

石屬
自六十一至六十二

容


第百廿七函



太政官文庫			
和	特別	架	冊
書	一	第	四
門	二	十	六
	三	五	五
	六	冊	冊
	二	函	冊
	號	號	冊
	類	類	冊

內閣文庫	
番號	和 32362
冊數	465 (160)
函號	圖 54-1

百廿七







庶物類纂石屬卷之六十一目次

蛇黃

魚鮓石

龍精石

龍駒石

霹靂石

附


雷斧
雷珠

雷鎚
雷鏟


雷鑽

雷環

本草綱目卷之二十一




蛇黃



本草綱目卷之二十一

石屬 蛇黃 一



蛇黃

蛇黃出嶺南今越州信州亦有之本經云是蛇腹中
 得之圓重如錫黃黑青雜色注云多赤色有吐出者
 野人或得之今醫家用者大如彈丸堅如石外黃內
 黑色二月採去是蛇冬蟄時所含土到春發蟄吐之
 而去與舊說不同未知孰是本草經圖
 蛇黃生腹中正如牛黃之意世人因其難得遂以蛇
 含石代之以其同出於蛇故爾廣西平南縣有蛇黃
 岡土人九月掘下七八尺始得蛇黃大者如雞子小

者如彈丸其色紫庚辛玉冊云蛇含自是一種石云
 蛇入蟄時含土一塊起蟄時化作黃石不稽之言也
 有人掘蛇窟尋之並無此說明李東璧本草綱目
 搜神記蛇居草常饑得食稍飽輒蛻冬含土入蟄春
 出吐之圓重如錫石謂之蛇黃明馮應京月令廣義
 蛇黃岡在潯州府平南縣岡勢盤紆出蛇黃每歲九
 月邑人掘深七八尺始得大和鷄子小者如彈丸其
 色紫磨之可敷腫毒尤治小兒驚癇明陳仁錫潛確類書
機謹按明曹學佺名勝志和作如

羅氏曰蛇草居常饑每得食物稍飽輒復蛻殼冬輒
 含土入蟄及春出蟄則吐之圓重如石謂之蛇黃本
 草經蛇蛻一名龍子衣一名蛇符明彭大翼山堂肆考
 蘇氏曰蛇含石出嶺南深山中圓重如錫有黃黑赤
 雜色今越州信州亦有之李氏曰今廣西平南縣有
 蛇黃岡土人九月掘下數尺始得蛇黃石大者如雞
 子小者如彈丸圓重如錫團其亦有相間黃黑赤紫
 雜色不一擊碎其色如錫俗云蛇黃是蛇腹中者歷
 見諸人剖蛇腹中並無有黃非出蛇腹而出土中掘

出可信矣。俗又云是蛇入蟄時含土一塊起蟄時吐
出化為此石。有人掘蛇窟並無此石。此言更無稽也。
係土中掘取。益可信矣。明係一石曰蛇黃。蛇含者何
蛇黃指其岡之名而言也。蛇含者黃字之訛音也。
倪明

朱謨本
草彙言

蛇含石。蛇冬蟄時含土。至春發蟄吐之而去。一名蛇
黃。味甘性冷。無毒。主心痛、疰、疔、石淋、產難、小兒驚、疳、
火、煨醋淬三四次。水飛研細用之。
明李揆醫
學入門

機
謹按疔一作疔

蛇含石。按蘇頌謂今醫所用是蛇冬蟄時所含土。到
春發蟄吐之而去者。大如彈丸。堅如石。外黃內黑色。
乃時珍曰。昔人每用蛇黃。後因其難得。遂以蛇含石
代之。然庚辛玉冊又云。蛇含石自是一種石。所云為
蛇蟄時口含之土。有掘蛇窟尋之者。並無此說也。愚
按此石果另是一種。則不可以代蛇黃矣。况更屬無
稽之言乎。乃方書每用蛇含石。又即曰蛇黃。是何其
夢夢也。然皆不可必得矣。姑俟之。博物君子。
清劉若
金本草

唐生蛇腹中如牛黃之類世人因其難得遂以蛇
含石酸煨水飛代之取蛇之性竄入肝也蛇含石入
手足厥陰血分與代赭之性不甚相遠為小兒鎮攝
驚癇之重劑脾風泄瀉者宜之

清張璐本
經逢原

魚鮓石


無功類集卷六十一

石屬 魚鮓石 一


魚鮓石

廣志曰斑魚頭中有白石如璣珠出北海太平御覽
吳錄曰石首魚至秋化為冠鳧鳧頭中有石淵鑑類函

庶物類聚卷六十一



龍精石




庶物類聚卷六十一

石屬


龍精石

一




龍精石

丁謂有小山高才數寸蒼翠嵌空盛夏常設盆水置
小山其中一日張宴有客掬水洒之須臾雲霧自竅
中出有光如電細視之蜿蜒小龍如線掛雲霧中已
而散繹蜿蜓亦莫知所之衆客驚異謂曰此龍精石
也龍交海上流精于石南墅閑居錄○說郛




龍駒石



石屬

龍駒石



龍駒石

北牕灸輅曰有人曾畜一石人以十萬購之其人與之而詰其異人令取盆水置石其中視之有一馬現石中狀如飛動其人問所用曰此龍駒石也以水浸之飲馬馬輒生龍駒無價寶也

明陳耀文天中記

霹靂礎

- 一名霹靂鍼本草拾遺
- 一名霹靂屑同上
- 一名雷公石寶記
- 一名雷楔網目
- 一名霹靂楔太平廣記

霹靂礎

木與木相摩則然。金與火相守則流陰陽錯行則天地大統於是乎有雷有霆。水中有火乃焚大槐人間往往見細石形如小斧謂之霹靂斧或謂云霹靂楔案玄中記云玉門之西有國山山上有廟國人歲歲出礮數千名霹靂礮給霹靂用從春至秋乃罷禮記有雜金鑽牛骨鑽鑽與礮同音祖合切晉李石續博物志。唐宋

叢書

或曰雷州春夏多雷無日無之雷公秋冬則伏地中

人取而食之其狀類魚又云與黃魚同食者人皆震死亦有收得雷斧雷墨者以為禁藥一作以為藥石

補史

玄針子得石斧銘曰天雷斧速文步敲石柱子如其

言詩如蒸雲千步千首清異志。唐馮贄雲仙雜記。說郛

雷州之西雷公廟百姓每歲配連鼓雷車有以魚彘

肉同食者立為霆震皆敬而憚之每大雷雨後多於

野中得驚石謂之雷公墨叩之鎗然光瑩如漆又如

霹靂處或土中得楔如斧者謂之霹靂楔小兒佩帶

皆辟驚邪孕婦磨服為催生藥必驗出嶺表錄異太平廣記

世人有得雷斧雷楔者云雷神所墜多於震雷之下

得之而未嘗得見元豐中予居隨州夏月大雷震一

木折其下乃得一楔信如所傳凡雷斧多以銅鐵為

之楔乃石耳似斧而無孔世傳雷州多雷有雷祠在

焉其間多雷斧雷楔按圖經雷州境內有雷擊二水

雷水貫城下遂以名州如此則雷自是水名言多雷

乃妄也然高州有電白縣乃是隣境又何謂也宋沈括

溪筆談

黃宋永 泳 莆田人師憲狀元之從兄也幼時戲於廳
正晝雲雨晦冥雷震轟轟繞柱穿屋壁而過家人意
其驚怖急出尋之元在戲處端坐無所覺也得一斧
長三寸非錢非石鑿小孔無柄蓋雷神執而悞墮者
諸人傳翫未已黃持入藏之雷復至似訪其物不可
取俄頃開霽宣和初黃以童子入京蒙召對賜五經
及第仕至郢州通判其斧至今存焉宋洪邁
棧謹按宋劉質迺異錄泳作滾執上有所字
霹靂鉞此物伺候震處掘地三尺得之其形非一或

言是人所造納與天曹不知事實今得之亦有似斧
及者亦有如剉及者亦有安二孔者一用人間石作
也注出雷州并河東山澤間因雷震後時多似斧色
青黑斑文至硬如玉作枕除魔夢辟不祥名霹靂屑
也陳藏器餘本草宋唐
慎微證類本草按雷書云雷斧如斧銅鐵為之雷礎似礎乃石也紫
黑色雷鉞重數斤雷鑽長尺餘皆如鋼鐵雷神以劈
物擊物者雷環如玉環乃雷神所珮遺落者雷珠乃
神龍所含遺下者夜光滿室又博物志云人間往往

見細石形如小斧名霹靂斧一名霹靂楔玄中記云
玉門之西有一國山上立廟國人年年出鑽以給雷
用此謬言也雷雖陰陽二氣激薄有聲實有神物司
之故亦隨萬物啓蟄斧鑽礮錘皆實物也若曰在天
成象在地成形如星隕為石則雨金石雨粟麥雨毛
血及諸異物者亦在地成形者乎必太虛中有神物
使然也陳時蘓紹雷錘重九斤宋時沈括于震木之
下得雷楔似斧而無孔鬼神之道幽微誠不可究極

明李東璧
本草綱目

雷公石二枚形如斧長可四寸闊二寸無孔臆如青
玉諸寶置之日中則光氣連天既進肅宗已被疾召
代宗曰汝自楚王為太子今天賜寶于楚州天祚汝
也宜保之代宗受賜即日改年寶應既監國賜真如
號寶和改縣為寶應自是兵革消息海內小康亦其
應也寶記
說郛
雷皆氣也在天成形入地則化石吾嘗轉所得雷石
左轉則跳躍有聲右轉則滑旋無聲明黃潤玉海涵
萬象錄○同上
朱子曰雷擊所在只一氣來來間有見而不為害只

緣氣未棚裂有所擊處皆是發祭李通云人於雷所擊處拾得雷斧之屬是一氣擊後方始結成不是將這箇來打物見人拾得雷斧如今之斧之狀似細黃石明唐荆川先生稗編玄中記云玉門之西有國山山上有廟國人歲歲出礩數千名霹靂礩給霹靂用從春至秋乃罷予見骨董家有霹靂礩賣率是紫石狀若今批鑿然謂是霹靂所用之遺者佩之能辟邪氣走謂出礩給霹靂亦如今江南禱張睢陽則給鐵索與縛瘟鬼一也今即

所賣紫石礩亦是禱時所遺以為霹靂遺必非也明詹

景鳳詹氏小辨

玄中記玉門之西有一國國中有山山上有祠廟國人歲歲出石礩數千輸廟中名曰霹靂礩給霹靂用從春雷出礩日減至秋而盡明陳希顏事言要玄集

雷擊之下入土二三尺必有物如豆青色石上圓而大下細而尖如針曰雷斧可以入藥兼能辟邪余嘗見之數年前吾鄉雷擊死一人僵立田中其下掘得一針亦如之隆慶壬申夏擊死王材時腦後一穴如

彈丸大從左腋而出此目擊者昔人云雷從地下奮起擊人則此物又安得從上入土也

明田藝衡留青日札

或曰世人所得雷斧者何物也曰此猶星隕而為石也在天是氣而非形偶隕于地則成形矣

明徐炬明事物原始

寶積記曰寶應有雷公石二枚形如斧長可四寸闊二寸無孔膩如青玉置之室中則光氣連天

淵鑑類函

機謹按異物彙苑引寶積記寶應下有縣室中作日中

夢溪筆談世人有得雷斧雷楔者云雷神所墜多於

震雷之下得而未嘗親見元豐中予居隨州夏水大

雷震一木折其下乃得其一楔信如所傳凡雷斧多

以銅鐵為之楔乃石耳似斧而無孔世傳雷州多雷

有雷祠在焉其間多雷斧雷楔按圖經雷州境內有

雷擊二水雷州貫城下遂以名州如此則雷自是水

名言多雷乃妄也然高州有電白縣乃是隣境又何

謂也投荒錄雷州南濱大海多雷雷之聲近者簷宇

之上雷州之北高州之南數鄉亦多雷雷聲以在尋

常之外俗俟雷特具酒殺設奠畏雷法甚嚴謹有以

羸肉與雞肉食者霹靂即至雷斧候雷震處掘地二三尺得之其形或似斧或似刀又青黑色或紫赤色而至堅蓋陽氣入地所結猶星殞而為石也本州云或言是人所造納與天曹此委巷之語耳舊府志吳十仞記州北英靈村有居民陳氏獵得卵雷乃霹靂開生一男子陳大建三年為州刺史陳文玉是也善政甚多廣東通志

投荒錄雷州南濱大海多雷雷之近者簷宇之上雷州之北高州之南數鄉亦多雷雷聲以在尋常之

外俗候雷特具酒穀設奠畏雷法甚嚴謹有以羸肉與雞肉食者霹靂即至雷斧候雷震處掘地二三尺得之其形或似斧或似刀又青黑色或紫赤色而至堅蓋陽氣入地所結猶星殞而為石也本草云或言是人所造納與天曹此委巷之語耳同上

沈括之謫隨也夏震而木折獲石其下似斧而無孔或曰雷襖又曰雷州多雷沈子曰雷實水名石雷妄夫然隣高有電白又何謂邪君子曰在天成象在地成形星隕為石夫何疑乎易曰震為龍一陽動于二

陰之下非龍乎雷其聲電其目之光聲出而光生乎
光無碍故一出而人見聲有漸故既發而始聞聲傳
谷響其應稍遲非其理乎龍蟄而雷伏雷已而電滅
臘月之雷陽洩于陰龍啓於蟄故雲泉觸龍雷電隨
至龍之怒也龍擘雲中雷電交作龍隱而去空中頓
滅志曰有神如羸又曰電白祠龍湫龍毋非此之類
乎隨州志
安化報恩寺弘治間雷霹其柱人穴其下得雷鑿山
谷間往往有雷鏹雷斧之類其色似石堅不可碎人

家多有收之者長沙府志

鏡鉞整以其形肖故名崇貞末土人避難營寨其上
初興役一夫猝狂揮鉞語而歿人聞內鼓吹聲作
乃止餘整雨後土人常拾箭簇諸物德安府志

庶物類纂石屬卷之六十二目次

雷墨

雷磨石

化石

癖石

淋石

石汁

石脉

無物類纂卷之十二

雷公墨


無物類纂卷之十二

石屬

雷公墨

一

廣雅釋詁卷之六



雷墨

雷州西有雷公廟，百姓歲納雷鼓車，人有以黃魚與
羸肉同食，立遭雷震，每大雷，人多於野中掘得磬石，
號雷公墨，光瑩如漆。宋李致纂異記。鄒

機謹按宋魯應龍拾異志同

凡訟者投牒必以雷墨，雜常墨書之為利。唐房千里投荒雜錄

上。同。

按雷書云：凡雷書木石，謂木札入二三分，青黃色，或
云雄黃、青黛、丹砂合成，以雷楔書之，或云蓬萊山石。

燕物類彙編卷之六

石屬


雷墨

二

脂所書雷州每雷雨大作飛下如沙石大者如塊小者如指堅硬如石黑色光豔至重劉恂嶺表錄云雷州驟雨後人于野中得石如鷲石謂之雷公墨扣之錚然光瑩可愛又李肇國史補云雷州多雷秋則伏蟄狀如人掘取食之觀此則雷果有物矣明李東璧本草綱目雷州之西有雷公廟每大雷爾後人多于野中拾得鷲石謂之雷公墨扣之錚然光瑩如漆又于霹靂處或土木中得楔如斧者謂之霹靂楔李日華時物典彙雷州每大雷雨多于田野得鷲音醫黑也小石謂之雷公

墨又于霹靂處得楔音甲擊也如斧謂之霹靂楔小兒佩之辟惡明陳仁錫潛確居類書機謹按合璧事類引國史補同

燕物類彙編卷之二十二 石屬 雷墨 三



雷磨石

石屬

雷磨石

荆州記

雷磨石

荆州記臨賀有青石上有磨刀斧之迹春夏明淨
冬蕪穢云是雷公磨刀石山明彭大翼肆考
荆州記曰臨賀郡有青石上有磨刀斧跡春夏明淨
秋冬蕪穢相傳是雷磨石淵鑑類函


燕物類彙編卷之十一

石屬


雷磨石

二

博物類纂
卷六十二



化石



博物類纂
卷六十二

石屬

化石

一

化石

陽泉在天餘山北清流數十步所涵草木皆化為石
精明堅勁其水所經之處物皆漬為石

梁任昉述異記

淳熙中崑山縣石工採巧石石墮厭之又三年六月

他石工聞石呼聲報其家鑿石出之見其妻喜曰久

閉乍風我肌如裂俄頃聲微噤不語化為石人貌如

生 吳方鳳

機 謹按清來元成博學彙書同

童子石陳倉童子化為石 搜神記 ○ 合壁事類

會稽進士李眺偶拾得一小石青黑平正溫滑可玩
用為書鎮為偶有蠅集其上驅之不去視之已化為
石求他虫試之隨亦化為殼落堅重與石無異錄異
記○

陳耀文
天中記

機謹按明林有麟素園石譜蠅作蛇

望夫山在太平府當塗縣西北昔人適楚不返妻登
此山望之乃化為石明彭大翼
山堂肆考

新安有王喬洞洞之上有二木皆化石而復產枝葉
與凡木類都光敬曰予見之大駭以為穹壤間之所

未有使人謂予安能信今試以語人人非予亦未必
不以為妄也明張鼎思
聊邪代醉

望夫石武昌山北有望夫石狀若人倍傳昔有貞婦
其夫從役遠赴國難携弱子餞送此山立望夫而死
化為立石因名焉神異記○
山堂肆考

秘書喬中山云至元十年自以東曹掾出使延安道
出鄜州土人傳有杜少陵骨在石中者因往觀之石
在州市色青質藍樹于道傍中有人骨一具跌坐若
自生成者與石俱化以佩刀削之真人骨也明陳眉
公筆記

燕勿頤真集卷六十一 石屬 化石 三

隨巢子曰禹產於崑石啓生於石王韶之云啓生而母化爲石
淮南子曰禹娶塗山化爲石在嵩山下方生啓曰歸
我子石破北方而生啓
史記曰張良見老人於圯上出一編曰讀是則爲王者師後二十年見我濟北穀城山下黃石即我也良
後果得黃石

寰宇記曰儋州昌化湖明山有二石如人形云昔有
兄弟二人向海捕魚因化爲石號兄弟石

拾遺記云崑崙西方須彌山有九層最下層有流霞

關南有螭潭左側有五色石云是白螭之腸化爲此
石也已上淵鑑類函

化石○顧玠海槎錄崖州榆林港土膩最寒蟹入不
能動久之則成石矣外紀那多理亞國有瓊石穴人
往鑿之見石人無算皆昔避亂之民爲寒氣所凝漸
化爲石他如松之化石石之似梅似柏皆不足訝也
唐書言回紇拔野有斷松入康于河成石杜光庭言
婺州永康縣有松墮水爲石曹能始名勝志四川永
川縣來蘓鎮有松化石燕京萬仲晦曲水園南京任

伯受家俱有松化石姚寬言通遠軍渾源出焉有水
虫類魚鳴人以挺刃擊之或化為石曰覓石長尺餘
直一二千緡善磨刀光而不鏃清皖桐方氏浮山
此藏軒物理小識
夢溪筆談云延平永寧間大河岸崩入地數十尺土
中得竹筍一林凡百莖根幹相連悉化石清來元成
博學彙書
宋宣和中東陽資福院燬于火獨藏經皆變為石卷
軸宛然叩之有聲同上
肝心巖縣六都相傳昔有將征夷戰歿時人取其
肝心懸於崖以示赤心俱化為石湖廣
總志

化石縣南八十里石狀人郡國志昔淮南王兵敗
北至化為石同上
齊永明六年石子岡柏木長二尺四寸廣四寸半化
為石時車駕教游幸應本傳失其性也江寧
縣志
桃花洞桃實落溪中如石慈利
縣志
望夫山在縣東北三十里高十里巔有石如人洞壑
玲瓏居民避寇潛藏于此者多得全活舊志云唐有
成婦望夫久役不歸立化為石故名或云本名萬福
山倍訛望夫萊蕪
縣志

蘇州府志卷之六十一 石屬 化石 五

王元弼名勝記曰在城南八十里石如人形相傳昔
年淮陽王兵敗被追至此遂化爲石噫淮陽亦劉部
護輩人矣因繫以詩淮陽輕生亦似石此石千秋石
似壁萬馬束縛逼山前棄生化石石猶昔天意存石
以示人淮陽之心昭白日零陵縣志

癖石

蘇物類纂卷六十一

癖石

有人專心成癖及病瘕塊凝結成石如牛黃狗寶鮫
答之類皆諸獸之病也觀夫星隕為石沙淋石淋及
釋氏顛顛結舍利子皆精氣凝結而然故格物論
云石者氣之核也群書所載如寶圭化石老樹化石
皆無情之變異也魚蛇蝦蟹皆能化石乃有情之變
異也世說載負婦登山望夫化而為石此蓋志一不
分遂入于無情也宋史載石工采石陷入石穴三年
掘出猶活見風遂化為石此蓋吞納石氣久而與之

俱化也。夫生形尚全，化石則頑。心癥癖之化石，亦其理也。程子遺書云：波斯人發古墓，見肌膚都盡，惟心堅如石。鋸開中有山水，如畫。旁有一女，凭闌凝睇。蓋此女有愛山水癖，遂致融結如此。宋濂云：一浮屠行大般若三昧法，示寂後焚之，惟心不化，狀如佛像，非全非石。又一人行禪觀法，及死火葬，心內包觀音像，悉具。醫書云：一人病癥，死火化有塊如石。此皆癥癖頑凝成石之蹟，故併錄之。

明李東璧
本草綱目

淋石

本草綱目卷之二十一

淋石

淋石無毒主石淋此是患石淋人或於溺中出者如

小石水磨服之當得碎石隨溺出今附嘉祐補注本草

陳藏器云溺中出正如小石非他物也候出時收之

淋為用最佳也又主噎病吐食俗云溢飯病者效唐宋

慎微證類本草


此是淫慾之人精氣鬱結陰火煎熬遂成堅質正如

滾水結鹵鹵水煎鹽小便凍成秋石同一義理也李明


東璧本草綱目

本草綱目卷之二十一 石屬 淋石 二

原物類集卷六十二



石汁



原物類集卷六十二

石屬

石汁

一

燕勿頰真茶石卷六十三

石汁

朱崖郡海中之洲也。洲方千里。自徐文涇度便風揚
風帆。一日一夕即至。以土為釜。器用瓠瓢。無水人飲
石汁。又有椒似安柘。榴華著甕中。徑旬即成酒。其味
香美甚。醉人。
十道志。明陳耀文天中記。

燕勿頰真茶石卷六十三

石屬

石汁

二

庶物類聚卷之三十一

石脉

一名石麻
典籍便覽

庶物類聚卷之三十一

石屬 石脉

一

石生類考卷之二

石脉

影娥池中有遊月船觸月船鴻毛船遠見船載數百
人或以青桂之枝為擢或以木蘭之心為檝練實之
竹為篙紉石脉之為繩纜也石脉出晡國細如絲
可繩萬斤生石裏破石而後得此脉縈緒如麻紵也
名曰石麻亦可為布也

漢郭憲洞冥記
○漢魏叢書

石脉一名石麻形極細如絲可繩萬斤生石中破石
而後得此脉縈緒如麻紵可以為布
明范貞一
典籍便覽
墨井出河南彰德府南郭村井中產石脉
明慎懋官
華夷華木

燕勿類集卷之二

石屬

石脉

二

鳥獸
珍玩

鳥獸
珍玩

